

Da poi disnar, fo Gran Consejo, non fu il Principe.

Fu posto, per li Consieri, la parte presa eri in Pregadi, di la qual non advertii, che vol, oltra quelli è in rezimenti possano esser tolti in uno altro, ma *etiam* vol possino esser tolti in quel medemo rezimento, officio et consejo; cossa contraria al dover. Io Marin Sanudo vulsi ozi contraddirla, et feva perder, ma andò tropo tosto la parte. Ave 20 non sincere, 373 di no, 550 di si, fo presa; la qual è stà messa parte a requisition di sier Vincenzo Capello andato capitano a Famagosta, vol dar ducati 2000, et di sier Gregorio Pixamano, è camerlengo a Treviso, si fa in suo loco, vol esser refato e dar ducati 600; sichè è pessima e dolorosa parte et bisogna revocarla.

21 Fu *etiam* posto la parte di far Conte in Arbe, Podestà a Conejan, uno Camerlengo a Treviso, et uno Zudexe di Petizion per scurtinio. Ave 6 di non sincere, 526 di no, 554 di si, et fo presa di 12 balote, perchè il Consejo non vol questi scurtini.

Fo leto la parte di li Avogadori presa in Pregadi, ch'è stati extraordinarii entrino poi ordinarii, et non fu balotata.

Fo trovato in questo Consejo ducati 5400, et di contadi ducati 3000, il resto si arà immediate.

#### *Scurtinio di Capitano in Candia.*

Sier Orsato Iustinian, fo cao dil Consejo di X, qu. sier Polo, portò ducati 2000 contadi per imprestedo e dona il don . . . . . 70. 91

† Sier Marco Lando qu. sier Piero, offerse ducati 3500, di qual portò contadi ducati 2500 e dona il don, il resto promete portarli questa settimana . 112. 40

Sier Vincenzo Capello, fo provedador in armada, qu. sier Nicolò, fo per lui offerto et portadi ducati 2000, di qual 1500 impresta et dona il don, dona ducati 500 . . . . . 75. 79

#### *Uno Avogador extraordinario, justa la parte.*

Sier Beneto Zorzi, el camerlengo di comun, qu. sier Hironimo el cavalier, portò ducati 1000, et dona il don . 79. 95

Sier Iacomo Antonio Tiepolo, è di Pregadi, qu. sier Matio, el qual, oltra

ducati 100 donò al so imprestedo, dona ducati 300 prestò per Pregadi, et dona altri ducati 200, et è contento si fazi di Pregadi in so' loco rimanendo . . . . . 32.122

Sier Piero Antonio Morexini, è podestà e capitano a Bassan, qu. sier Zusto, per lui fo offerto ducati 1000, e il don, e darli la presente settimana . 30.121

Sier Marin Bon, è provedador sora la revision di conti, qu. sier Michiel, offerse ducati 1000 e il don e darli da matina . . . . . 89. 66

Sier Carlo Contarini, di sier Pamphilo, per lui fo offerto ducati 1000 e dona il don . . . . . 57. 93

† Sier Cabriel Venier, qu. sier Domenego da San Zuan Digolado, offerse ducati 1200 e dona il don, di qual à portà 700 e il resto promete darli immediate . . . . . 117. 30

#### *Un Camerlengo a Treviso.*

Sier Polo Contarini, è a la Tavola di l'insida, qu. sier Zuan Matio, ducati 250 e il don, e si fazi in loco suo. . . 33.111

Sier Bernardo Donado qu. sier Hironimo el dotor, ducati 300 e il don, e sier Nicolò Simitecolo so' cugnado dona ducati 50 dil suo imprestedo . 48.102

Sier Vincenzo Venier, l'avvocato in Rialto, di sier Zuane, ducati 350 e il don, e vol si fazi in suo loco avochato in Rialto . . . . . 42.109

Sier Gasparo Salamon, è camerlengo a Treviso, di sier Carlo, ducati 400 e il don . . . . . 35.101

Sier Marco Bafo, fo a la Tavola di l'intrada, di sier Beneto . . . . . 27.129

Sier Antonio Barbo di sier Beneto qu. sier Marco, ducati 300 e il don . . 52.102

Sier Zuan Giacomo Bafo, el XL, qu. sier Mafio, oltra ducati 100 prestò per XL, offerisse ducati 300, e dona il don, di qual portò ducati 200 . . 89. 64

Sier Nadal da Mosto fo di sier Andrea 31.125

Sier Alvixe Mudazo qu. sier Antonio qu. sier Alvise, ducati 300 e il don, di qual dona ducati 100 . . . . . 31.125

Sier Zuan Sagredo di sier Piero . . 41.116